

Leo Maduro di Camara di Comercio:

Riba tereno di e refineria hopi proyecto grandi por wordo desaroya

E cuater kilometer di costa ta nos joya di mas grandi!

ORANJESTAD (AAN) – Den entrevista cu Matutino DIARIO, señor mr. Leo Maduro, funcionario di Camara di Comercio y Industria (KvK), a haci e observacion cu e Distrito di San Nicolas ta deteriora for di e prome mitad di añanan 80 y loke a deteriora den trinta aña, no por pone back riba pia den tres aña, pero ta bay costa nos pais diestres aña y esaki ta e futuro cu por mira nos dilanti.

Señor Maduro a subraya cu traha na un manera masha conciente y bon programa y planifica, kizas den un decada por rehabilita San Nicolas, pero e pensamiento cu den un par di aña por cambia un situacion di trinta aña, e no ta kere cu ta realizable.

“Pero si nos no ta cuminza awor, aki diez aña ainda nos no a yega na unda nos kier



ta. Mi ta kere cu cuminzando awor nos tin un chens pa logra esey, y nos como Camara di Comercio ta keda enfatiza esey”, mr. Leo Maduro a subraya.

El a agrega cu e tereno principal na San Nicolas cu mester tin un respuesta pe ta e cantidad di kilometer nan cuadra, no solamente di

grandi cu Aruba tin den su man na e momento aki, y cu no tin un plan fiho aworaki kico ta bay haci cune.

Señor Leo Maduro a remarca cu esaki ta e punto di mas importante den programacion y planificacion economico pa e proximo diez pa binti aña. Señor Maduro a señala cu tempo cu e refineria tabata traha mes, por mira con chikito e area mes di e refineria ta riba e tereno inmenso den cual e ta ubica.

E ta kere cu ni un decimo parti di e tereno tabata wordo uza efectivamente. E aspectonan aki mester wak

nan cu e bista di un planificador, pa realmente por mira cuanto por haci cu e tereno aki.

Den dos ocasion Camara di Comercio a trece esaki dilanti pa muestra tur hende na Aruba, cu si tin algo grandi cu por wordo haci na nos pais aworaki, esaki no ta solamente pa cumpli cu e votadornan na San Nicolas, pasobra KvK no ta den politica, pero nan ta kere den progreso economico cual lo tey ora di tuma e decisionnan corecto cu criterio economico y di bon planificacion. E ora ey nos pais por avanza.